

ხელშეკრულება სახელმწიფო შესყიდვის შესახებ № 60
(გამარტივებული შესყიდვა)

ქ. თბილისი

6 ივლისი, 2017 წელი

ერთი მხრივ, სსიპ „საარჩევნო სისტემების განვითარების, რეფორმებისა და სწავლების ცენტრი“ (შემდგომში-შემსყიდველი), წარმოდგენილი დირექტორის ნათია ზაალიშვილის სახით და მეორე მხრივ, შპს „MAIKA.GE“ წარმოდგენილი მისი დირექტორის დავით ხუნდაძის სახით (შემდგომში-მიმწოდებელი), „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე დებენ ხელშეკრულებას შემდეგზე:

1. გამოყენებული ტერმინების განმარტებები

1.1. „ხელშეკრულება“ (შემდგომში - „ხელშეკრულება“) შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2. „ხელშეკრულების ღირებულება“-საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“-კალენდარული დღე, კვირა, თვე.

1.4. „შემსყიდველი“- ორგანიზაცია, რომელიც ახორციელებს შესყიდვას.

1.5. „მიმწოდებელი“- პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6. „საქონელი“- წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1. ხელშეკრულების საგანია გამარტივებული შესყიდვის საშუალებით, №1 ცხრილში მოცემული, სსიპ „საარჩევნო სისტემების განვითარების, რეფორმებისა და სწავლების ცენტრი“-ს ბრენდირებული მაისურების შესყიდვა. (CPV-18332000)

№1 ცხრილი

№	საქონლის დასახელება	რაოდენობა (ცალი)	ერთეულის ფასი (ლარი)	საერთო ფასი (ლარი)
1	ჩვეულებრივი ბრენდირებული მაისური თეთრი	2	25.00	50.00
2	„პოლოს“ ტიპის ბრენდირებული მაისური თეთრი	2	30.00	60.00

3. ხელშეკრულების ღირებულება

3.1. ხელშეკრულების საერთო ღირებულება შეადგენს 110.00 (ასათი) ლარს.

3.2. ხელშეკრულების საერთო ღირებულება შეიცავს საქონლის მიწოდებასთან დაკავშირებით მიმწოდებლის მიერ გაწეულ ყველა ხარჯს და ასევე კანონით გათვალისწინებულ ყველა გადასახადს.

3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1. მიმწოდებელი ვალდებულია:

ა) უზრუნველყოს წინამდებარე ხელშეკრულებაში აღნიშნული საქონლის მიწოდება არაუგვიანეს 2017 წლის 7 ივლისისა;

ბ) საქონლის მიწოდება განახორციელოს შემდეგ მისამართზე: ქ. თბილისი, ა. წერეთლის გამზ. №2, დინამო არენას ტერიტორია;

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

ა) უზრუნველყოს საქონლის ღირებულების გადახდა, წინამდებარე ხელშეკრულებაში მითითებულ ვადებში;

ბ) უზრუნველყოს ხელშეკრულების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები;

5. შესყიდვის საგნის ხარისხი

5.1. მიმწოდებლის მიერ შემსყიდველისათვის მიწოდებული საქონლის ხარისხი უნდა შეესაბამებოდეს ხელშეკრულებით გათვალისწინებულ პირობებს და აკმაყოფილებდეს შემსყიდველის მოთხოვნებს.

6. ხელშეკრულების შესრულების კონტროლი

6.1. შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

7. საქონლის მიღება-ჩაბარების წესი

7.1. წინამდებარე ხელშეკრულებით განსაზღვრული საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

7.2. შემსყიდველის მხრიდან საქონლის მიღებას აწარმოებს: სსიპ „საარჩევნო სისტემების განვითარების, რეფორმებისა და სწავლების ცენტრი“-ს ადმინისტრაციული განყოფილების შესყიდვების სპეციალისტი გიორგი ლომაძე.

7.3. მიმწოდებლის მხრიდან საქონლის გადაცემას აწარმოებს: დავით ხუნდაძე, შპს „MAIKA.GE“-ს დირექტორი.

8. ანგარიშსწორების წესი

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. ანგარიშსწორება მოხდება მიღება-ჩაბარების აქტის გაფორმებიდან და სასაქონლო ზედნადებისა და საგადასახადო ანგარიშ-ფაქტურის წარდგენიდან 10 სამუშაო დღის განმავლობაში.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, ხელშეკრულების დამრღვევ მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

10.2. იმ შემთხვევაში თუ ვადების გადაცილებისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 0.3%, მეორე მხარეს უფლება აქვს გავიდეს ხელშეკრულებიდან, ხოლო ხელშეკრულების დამრღვევ მხარეს დაეკისრება 10.3. პუნქტით გათვალისწინებული პირგასამტეხლოს გადახდის ვალდებულება.

10.3. ერთ-ერთი მხარის მიერ ხელშეკრულების პირობების შეუსრულებლობის ან ნაწილობრივ შესრულების შემთხვევაში, მეორე მხარეს უფლება აქვს ხელშეკრულების დამრღვევ მხარეს დააკისროს პირგასამტეხლო ხელშეკრულებით გათვალისწინებული მთლიანი ღირებულების 20%-ის ოდენობით ვალდებულების სრულად შეუსრულებლობისთვის, ხოლო 10% ოდენობით ხელშეკრულების ნაწილობრივ შესრულებისთვის.

10.4. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2. თუ ასეთი მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევაში.

13.2. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

13.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2017 წლის 31 აგვისტოს ჩათვლით.

15. ფორს-მაჟორი

15.1. მხარეები თავისუფლდებიან პასუხისმგებლობისაგან ხელშეკრულებით აღებული ვალდებულებების შეუსრულებლობისათვის, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2. ფორს-მაჟორული გარემოებების დადგომის შემთხვევაში, როდესაც შეუძლებელი ხდება ნაკისრი ვალდებულებების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

16. სხვა პირობები

16.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

16.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ იმ შემთხვევაში, თუ ის გაფორმებულია წერილობითი სახით და ხელმოწერილია მხარეთა მიერ.

17. მხარეთა დასახელება და რეკვიზიტები

„შემსყიდველი“ სსიპ „საარჩევნო სისტემების განვითარების, რეფორმებისა და სწავლების ცენტრი“ მის: ქ. თბილისი, დ. აღმაშენებლის ხეივანი, მე-13 კმ ტელ: 261 21 11 სახელმწიფო ხაზინა, ბანკის კოდი TRESGE22 ა/ა GE24NB0330100200165022 ს/კ 205296188  /ნ. ზაალიშვილი/	„მიმწოდებელი“ შპს „MAIKA.GE“ ფაქტ.მის. ქ. თბილისი, აკ. წერეთლის გამზ. #2 იურიდიული მის. ქ.თბილისი იერუსალიმის #2/5 ტელ: 0790 720 520 სს „თიბისი ბანკი“ ბ/კ TBCBGE22 ა/ა GE42 TB70 9923 6080 1000 04 ს/კ 404 430 175  /დ. ხუნდაძე/
---	---


ხელწერილი ინტერესთა კონფლიქტის შესახებ

2017 წლის „6“ „ივლისი“

ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად, 2017 წლის 6 ივლისის №60 ხელშეკრულებით განსაზღვრულ შესყიდვასთან დაკავშირებით გასაფორმებელ ხელშეკრულებაში მითითებულ მიმწოდებელთან ინტერესთა კონფლიქტში არ ვიმყოფებით.



ხელშეკრულების დადებაზე უფლებამოსილი პირი ----- ნათია ზაალიშვილი



მიღება-ჩაბარებაზე უფლებამოსილი პირი ----- გიორგი ლომაძე